




ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՒ ՍՈՒՐԲ ԷԶՄԻԱԾՆՈՒՄ

ՄԱՀՄՈՒԴ ՎԱՅԵԶԻԻ ԱՅՅԵԼՈՒԹՅՈՒՆԸ

Հունիսի 2-ին Ամենայն Հայոց Կաթողիկոս Ն. Ս. Օ. Տ. Տ. Գարեգին Ա-ն ընդունեց Իրանի Իսլամական Հանրապետության պաշտոնական պատվիրակությանը՝ ԻԻՀ արտաքին գործերի փոխնախարար Մահմուդ Վալեզիի գլխավորությամբ:

Պրն. Վալեզին շնորհավորանքի և բարեմաղթությունների ջերմ խոսքեր հղեց Վեհափառ Հայրապետին՝ գահակալության առթիվ, և ընդգծեց, որ ի դեմս Նորին Սրբության նրանք տեսնում են իրանական ժողովրդի մեծ բարեկամի: Փոխնախարարը իր խոսքում բարձր գնահատեց պարսիկ և հայ ժողովուրդների բարեկամությունը, կարևորեց հոգևոր արժեքների դերը մարդկության կյանքում և ուրախությամբ նշեց, որ մեր օրերում նրկատվում է հոգևոր վերագարթոնք ողջ աշխարհում՝ անկախ հավատքի պատկանելությունից:

Ամենայն Հայոց Հովվապետը շնորհակալություն հայտնեց ջերմ շնորհավորանքների և անկեղծ մաղթանքների համար՝ իր հերթին ևս կարևորելով հայ և պարսիկ ժողովուրդների բարեկամությունը:

Կրոնների տարբերությունը, ասաց Նորին Սրբությունը, չպետք է խոչընդոտ հանդիսանա մեր երկու ժողովուրդների մերձեցմանն ու բարեկամությանը, բոլոր ասպարեզներում՝ թե՛ տնտեսական, թե՛ քաղաքական, թե՛ գիտության և թե՛ հոգևոր: Մեր դարավոր պատմության մեջ մենք բարեկամության բազում դրվագներ կարող ենք վերհիշել: Ուրախ եմ, որ այսօր այդ հարաբերությունները է՛լ ավելի սերտամցան միտում ունեն: Ես բարձր եմ գնահատում այդ բարեկամությունը, և թող այն խորհրդանիշ հանդիսանա բոլոր հարևան ժողովուրդների համար:

Ես հայ և պարսիկ ժողովուրդների բարեկամության ականատեսն եմ եղել այն տարիներին, երբ Ձեր երկրում Իրանահնդկական հայոց թեմի առաջնորդն էի: Իրանը իմ կյանքի մի մասն է կազմում: Նյութական աշխարհում միշտ էլ առաջնահերթ խնդիր պետք է հանդիսանա հոգևոր արժեքների պահպանումն ու զարգացումը:

Վեհափառ Հայրապետը երկար խոսեց քրիստոնյա-իսլամ փոխհարաբերության և երկխոսության մասին: Պատմելով վերջերս Արցախի թեմ կատարած իր այցելության մասին, նշեց, որ Ղարաբաղում այլևս պատերազմը պետք է դադարի և հակամարտությունը լուծվի խաղաղ երկխոսության պայմաններում:

Հանդիպումն անցավ աշխույժ մթնոլորտում: Հյուրերը շնորհակալություն հայտնեցին ջերմ ընդունելության համար:

Պատվիրակության կազմում էին Հայաստանի Հանրապետությունում Իրանի Իսլամական Հանրապետության արտակարգ և լիազոր դեսպան Համիդռեզա Նիքբար Էսֆահանին, Իրանի Իսլամական Հանրապետությունում Հայաստանի Հանրապետության արտակարգ և լիազոր դեսպան արն. Բայրությունը, պաշտոնական այլ անձինք:

ԱՌՈՂՋԱՊԱՀՈՒԹՅԱՆ ՆԱԽԱՐԱՐԸ ՎԵՀԱՓԱՌԻ ՄՈՏ

Նույն օրը Մայր Աթոռ Ս. Էջմիածնում Ամենայն Հայոց Կաթողիկոս Ն. Ս. Օ. Տ. Տ. Գարեգին Ա-ն ընդունեց Հայաստանի Հանրապետության առողջապահության նախարար Արա Բաբլոյանին:

Զրույցի ընթացքում շոշափվեցին հանրապետության առողջապահության իրավիճակին առնչվող հարցեր: Վեհափառ Հայրապետն իր տեսակետներն արտահայտեց այդ բնագավառի առաջընթացի վերաբերյալ և հավաստիացրեց, որ Մայր Աթոռն իր կարելի մասնակցությունը կրերի հանրապետության ազգային առողջապահության զարգացման գործին:

Պրն. Բաբլոյանին ողեկցում էին փոխնախարար Դերենիկ Դումանյանը և առողջապահության նախարարության այլ աշխատակիցներ:

ԵԶԻԴԻՆԵՐԻ ՆԵՐԿԱՅԱՑՈՒՑԻՉՆԵՐԸ Ս. ԷԶՄԻԱԾՆՈՒՄ

Հունիսի 3-ին Ն. Ս. Օ. Տ. Տ. Գարեգին Ա. Ամենայն Հայոց Կաթողիկոսը Մայր Աթոռ Ս. Էջմիածնում ընդունեց Հայաստանի եզդիների համայնքի ներկայացուցիչներին՝ համայնքի առաջնորդ Հասան Հասանյանի գլխավորությամբ: Զերմորեն շնորհավորելով Վեհափառ Հայրապետին ընտրության և գահակալության առթիվ՝ եզդիների առաջնորդը ներկայացրեց համայնքի ներկա կացությունը՝ շեշտելով, որ հայ ժողովրդի և Հայաստանի իշխանության բարեհաճ վերաբերմունքի շնորհիվ Հայաստանը հայրենիք է դարձել նաև եզդիների համար:

Զրույցի ընթացքում շոշափվեցին համայնքի ներքին կյանքին, ազգային սովորություններին առնչվող հարցեր: Ես ձեզ լավ եմ հասկանում, ասաց Վեհափառ Հայրապետը, քանի որ ապրել եմ արտասահմանում: Ես գնահատում եմ ձեր կապվածությունը հայ ժողովրդին և Հայաստան երկրին: Ծանոթ եմ, կարդացել եմ, գիտեմ ձեր ժողովրդին՝ դուք արևը պաշտում եք որպես կյանքի աղբյուր, այլ ոչ որպես կրակի գունդ: Աստված օրհնի ձեր համայնքի բոլոր անդամներին: Կհուսամ, որ փոխադարձ գոր-

ծակցության ու բարեկամական հարաբերությունների նոր շրջան կբացվի մեզ համար:

Հանդիպման վերջում Նորին Սրբությունը և եզդիների համայնքի առաջնորդը նվերներ փոխանակեցին:

ՀԱՐԱՎԱՐԱՎԻԱՅԻ ԱՐՏԳՈՐԾՆԱԽԱՐԱՐԸ ՎԵՀԱՓԱՌԻ ՄՈՏ

Նորին Սուրբ Օծություն Տ. Տ. Գարեգին Ա Ամենայն Հայոց Կաթողիկոսը հունիսի 4-ին Մայր Աթոռ Ս. Էջմիածնում ընդունեց Հարավսլավիայի Դաշնակցային Հանրապետության արտաքին գործերի նախարար Վահանգիստ Յանովիչին:

Նախարարը Վեհափառ Հայրապետին ներկայացրեց Հարավսլավիայի Հանրապետությունում տիրող ներկա կացությունը՝ միաժամանակ նկատելով, որ աշխարհն առհասարակ ճիշտ պատկերացում չունի այնտեղ կատարվող իրադարձությունների մասին: Վատահ եմ, ասաց նախարարը, որ հաշ ժողովուրդը լավ է հասկանում Հարավսլավիայի վիճակը, որովհետև տառապանքի մեջ մենք հաճախ նույնատեսակ կացության ենք դիմագրավել:

Մենք բնականաբար պաշտպան կկանգնենք բոլոր ժողովուրդների արդար իրավունքներին, պատասխան խոսքում ասաց Գարեգին Ա Կաթողիկոսը, սակայն մեր բաղձանքն է, որ ազգերի միջև առկա տարաձայնությունները լուծվեն խաղաղ միջոցներով:

Ջերմ գրույցի ընթացքում շոշափվեցին նաև հայ և հարավսլավական եկեղեցիների հարաբերություններին և փոխադարձ գործակցությանն առնչվող հարցեր:

Հարավսլավացի հյուրերին ողջկցում էր և հանդիպմանը մասնակցեց ՀՀ արտաքին գործոց նախարար Վահան Փափազյանը, արտգործնախարարության աշխատակիցներ, Մայր Աթոռի միաբաններ:

ԱՀՄԱԴ ՀԱՇԵՄԻ ՌԱՍՖԱՆՋԱՆԻՆ Ս. ԷԶՄԻԱԾՆՈՒՄ

Ն. Ս. Օ. Տ. Տ. Գարեգին Ա Ամենայն Հայոց Կաթողիկոսը Մայր Աթոռ Ս. Էջմիածնում հունիսի 7-ին ընդունեց Իրանի Իսլամական Հանրապետության կառավարության խորհրդական Ահմադ Հաշեմի Ռաֆսաջանիին:

Հարգարժան հյուրը ջերմորեն շնորհավորեց Վեհափառ Հայրապետին ընտրության և գահակալության առթիվ և հաջողություններ մաղթեց նրան՝ ազգային և եկեղեցական գործունեության ասպարեզում:

Պատասխան խոսքում Վեհափառ Հայրապետը մասնավորապես նշեց, որ երբեք չի մոռանա Իրանում կայացած իր հանդիպումը ԻԻՀ նախագահ Աքբար Հաշեմի Ռաֆսաջանիի հետ, և եթե նա երբևէ գրի առնի իր հիշողությունները, ապա մեծ տեղ կհատկացնի Իրանի կյանքին, որտեղ ժամանակին պաշտոնավարել է, և Իրանի նախագահին, որի՝ ժողովրդին կառավարելու հմտությամբ հիանում է:

Խորհրդականը, հավաստիացնելով, որ իր ելկրում մեծապես հարգում են Վեհափառ Հայրապետին, նրան փոխանցեց Իրան այցելելու հրավեր:

ԱՌՐԲԵԶԱՆԻ ՌՈՒՍ ԵԿԵՂԵՅՈՒ ՆԵՐԿԱՅԱՑՈՒՑԻՉԸ ՎԵՀԱՓԱՌԻ ՄՈՏ

Նույն օրը Վեհափառ Հայրապետն ընդունեց Ադրբեջանում Ռուս Ուղղափառ Եկեղեցու ներկայացուցիչ Հայր Լեոնիդին և Ադրբեջանում սլավոնների մշակութային կենտրոնի տնօրեն Վալենտինա Սերգեննային:

Հայր Լեոնիդը, ջերմորեն շնորհավորելով Վեհափառ Հայրապետին գահակալության առթիվ, նրան տեղեկացրեց իր առաքելության նպատակի մասին՝ խնդրանքով դիմել Նորին Սրբությանը, որպեսզի նա միջնորդի դեր ստանձնի դարաբաղյան պատերազմի հետևանքով հայկական կողմում հայտնված ադրբեջանցի կանանց և երեխաների ազատ արձակման հարցում:

Ծնորհակալություն հայտնելով խաղաղարար այդ այցի համար, Վեհափառ Հայրապետը տեղեկացրեց, որ Հայաստանի իշխանությունները ձեռնարկում են հասնել այն բանին, որ գերիները, պատանդները ազատ արձակվեն, և այս հանգամանքը վերջերս գոհունակությամբ է արձանագրել Միջազգային Կարմիր խաչի և կարմիր մահիկի ներկայացուցիչը՝ Հայաստանում իր հետ հանդիպման ժամանակ:

ԱՐԳԵՆՏԻՆԱՅԻ «ՄՊԻՏԱԿ ՏԱՂԱՎԱՐՆԵՐ» ԿԱԶՄԱԿԵՐՊՈՒԹՅԱՆ ՆԵՐԿԱՅԱՑՈՒՑԻՉԵՐԸ Ս. ԷԶՄԻԱԾՆՈՒՄ

Հունիսի 18-ին Ն. Ս. Օ. Տ. Տ. Գարեգին Ա Ամենայն Հայոց Կաթողիկոսը ընդունեց արգենտինյան «Սպիտակ սաղավարտներ» կազմակերպության անդամներին՝ Արգենտինայի նախագահ Կառլոս Մենենի օգնական, դեսպան Օկտավիո Ֆրիխերիոյի գլխավորությամբ:

«Սպիտակ սաղավարտներ» շարժումը սկիզբ է առել Արգենտինայի նախագահի նախաձեռնությամբ և արժանացել ՄԱԿ-ի գլխավոր քարտուղար Բուտրոս Բուտրոս Դալիի հավանությանը: Ծարժումը նպատակ ունի ծառայել մարդկանց կարիքավոր շերտերին, նյութական և բարոյական աջակցություն ցույց տալ նրանց:

Վեհափառ Հայրապետն օրհնության խոսք ուղղեց պատվիրակության անդամներին և հաջողություն մաղթեց նրանց մարդասիրական ձեռնարկումներին:

Պատվիրակության կազմում էին կազմակերպության անդամներ՝ արգենտինահայ բարեգործ Անդրանիկ Էռնեսկյանը, դոկտորներ Խորխե Լագոսը և Նիկոլասը:

ՇՎԵԴԻԱՅԻ ԴԵՍՊԱՆԸ ՎԵՀԱՓԱՌԻ ՄՈՏ

Հունիսի 26-ին Նորին Սուրբ Օծություն Տ. Տ. Գարեգին Ա Ամենայն Հայոց Կաթողիկոսը Մայր Աթոռ Ս. Էջմիածնում ընդունեց Հայաստանի Հանրապետությունում Եվեդիայի արտակարգ և լիազոր դեսպան Ստեն Հիրդմանին և Եվեյցարիայի արտակարգ և լիազոր դեսպան Յոհան Բուխերին: Դեսպանները շնորհավորեցին Վեհափառ Հայրապետին գահակալության առթիվ և մաղթեցին արդյունավետ եկեղեցաշինական գործունեություն: Զերմ գրույցի ընթացքում շոշափվեցին ժամանակակից աշխարհում եկեղե-

ցու դերին, ազգամիջյան և միջեկեղեցական հարաբերություններին, դավաճանքի ազատությանը վերաբերող հարցեր: Նորին Սրբությունը պատմեց Շիրակ, Արցախ և Մոսկվա կատարած այցերի մասին՝ արժևորելով հավատքի վերազարթոնքը հայ ժողովրդի զավակների հոգիներում՝ ինչպես հայրենիքում, այնպես էլ ի սփյուռս աշխարհի:

Հանդիպման վերջում Գարեգին Ա Ամենայն Հայոց Կաթողիկոսը իր գրքերից նվիրեց դեսպաններին և հաջողություններ մաղթեց նրանց՝ ստանձնած նոր պարտականությունների իրագործման ապարեզում:

ՄԱԼԱՅՋԻԱՅԻ ԴԵՍՊԱՆԸ ԱՅՑԵԼԵՑ ՎԵՀԱՓԱՌ ՀԱՅՐԱՊԵՏԻՆ

Օրվա երկրորդ կեսին Ն. Ս. Օ. Տ. Տ. Գարեգին Ա Ամենայն Հայոց Կաթողիկոսն ընդունեց Հայաստանում Մալայզիայի Դաշնության արտակարգ և լիազոր դեսպան Դատակ Յահյա Բաբային, որին ողջեցում էին դեսպանության քաղաքական և տնտեսական գծով առաջին քարտուղարներ:

Պրն. Յահյա Բաբան Վեհափառ Հայրապետին տեղեկացրեց, որ ինքն առաջին անգամ է այցելում Հայաստան և իր աշխատակիցների օգնությամբ նպատակ ունի ուսումնասիրել Հայաստանի տնտեսական կացությունը՝ համատեղ գործակցության հնարավոր եզրերը ճշտելու հեռանկարով: Այնուհետև խոսակցություն ծավալվեց քաղաքական, հասարակական և երկու պետությունների համար ընդհանուր տնտեսական արդի գործոնների և պայմանների շուրջ:

Վեհափառ Հայրապետը ներկայացրեց այն խնդիրները, որ կանգնած են Հայաստանի նորանկախ պետության և Հայ Եկեղեցու առջև և կարևորեց մտավորականության գործունե դերը:

Պրն. Յահյա Բաբան շնորհակալություն հայտնեց Նորին Սրբությանը ջերմ ընդունելության համար:

ՄԱԿ-Ի ՆԵՐԿԱՅԱՑՈՒՑԻՉԸ ՎԵՀԱՓԱՌ ՀԱՅՐԱՊԵՏԻ ՄՈՏ

Հուլիսի 6-ին Նորին Սուրբ Օծություն Տ. Տ. Գարեգին Ա Ամենայն Հայոց Կաթողիկոսը Մայր Աթոռ Ս. Էջմիածնում ընդունեց Միավորված Ազգերի Կազմակերպության փոխներկայացուցիչ և տեղեկատվության ավագ պատասխանատու Էնկիվ Կեբեդեին: ՄԱԿ-ի ներկայացուցիչը Վեհափառ Հայրապետին տեղեկություններ հաղորդեց իրենց կազմակերպության աշխատանքային ծրագրերի վերաբերյալ՝ միաժամանակ նկատելով, որ դեռևս շատ խնդիրներ կարող են ուսումնասիրության:

Նորին Սրբությունը, հաջողություններ մաղթելով Հայաստանի Հանրապետությունում ՄԱԿ-ի ներկայացուցչությանը, ավելացրեց, որ Հայաստանն իրապես կարիք ունի միջազգային կազմակերպությունների հետ սերտ փոխգործակցության: Գարեգին Ա Կաթողիկոսը կարևորեց Հայաստանյայց Առաքելական Եկեղեցու դերակատարությունը, որ այսօր առավել ևս անբաժան է ազգային կյանքից: Առաջիկայում սպասվում են կարևոր իրադարձություններ, մասնավորաբար Հայաստանում քրիստոնեության պետական կրոն հռչակման 1700-ամյակի տոնակատարությունը:

Հանդիպման վերջում Վեհափառ Հայրապետը հույս հայտնեց, որ համատեղ ծրագրերը գործնական շարունակություն և կիրառություն կգտնեն:

ԵՎՐՈՍՈՐՀՐԴԱՐԱՆԻ ԵՎ ԵՎՐՈՍՈՐՀՐԴԻ ՊԱՏՎԻՐԱԿՈՒԹՅՈՒՆԸ ՎԵՀԱՓԱՌ ՀԱՅՐԱՊԵՏԻ ՄՈՏ

Հուլիսի 6-ին Նորին Սուրբ Օծություն S. S. Գաբեգին Ա Ամենայն Հայոց Կաթողիկոսը Մայր Աթոռ Ս. Էջմիածնում ընդունեց Եվրախորհրդարանի, ինչպես նաև Եվրախորհրդի անդամների պատվիրակություններին, որոնք ժամանել են Հայաստան՝ իբրև դիտորդ մասնակցելու Սահմանադրության հանրաքվեին և Ազգային ժողովի ընտրություններին:

Մեծահարգ հյուրերը ներկայացրին իրենց տպավորությունները ընտրությունների ընթացքի վերաբերյալ: Ողջունելով Մայր Աթոռ ժամանած դիտորդներին, Վեհափառ Հայրապետը մեծապես կարևորեց նրանց առաքելությունը: Մեր երկիրը ժողովրդավարության կայացման այս դժվարին ընթացքի մեջ միջազգային համագործակցության և ուշադրության կարիք ունի, ասաց Նորին Սրբությունը:

Գաբեգին Ա Կաթողիկոսն անդրադարձավ նաև Եկեղեցու դերակատարության խնդրին՝ նկատելով, որ ազգը նախ և առաջ միասնական է իր հավատքով:

Ջերմ գրույցի ընթացքում շոշափվեցին նաև տիշտոքահայության և Հայաստանյայց Առաքելական Եկեղեցու պատմության կարևոր դրվագներին վերաբերող հարցեր:

ԵՎՐՈՊԱԿԱՆ ԲԱՆԿԻ ՆԵՐԿԱՅԱՑՈՒՑԻՉՆԵՐԸ ԱՅՑԵԼԵՑԻՆ ՎԵՀԱՓԱՌ ՀԱՅՐԱՊԵՏԻՆ

Հուլիսի 14-ին Մայր Աթոռ Ս. Էջմիածնում Նորին Սուրբ Օծություն S. S. Գաբեգին Ա Ամենայն Հայոց Կաթողիկոսն ընդունեց Եվրոպական բանկի ներկայացուցիչներին, որոնց ուղեկցում էր Հայաստանի Հանրապետության փոխվարչապետ Վիգեն Զիթեշյանը: Ներկայացնելով հյուրերին, ՀՀ փոխվարչապետը նշեց, որ նրանց այցելության նպատակն է՝ ուսումնասիրել հայկական ատոմակայանի անվտանգության պայմանները՝ հետազոտությունների համար երաշխիքներ ձեռք բերելու նպատակով: Ամերիկայի Միացյալ Նահանգներից, Ռուսաստանի Դաշնությունից, Մեծ Բրիտանիայից, Ֆրանսիայից, Գերմանիայից ժամանած մասնագետները ծանոթացան այն աշխատանքներին, որ տարվել են մինչ այժմ հայկական ատոմակայանի անվտանգության ապահովման ուղղությամբ: Մենք հուսով ենք, ասաց փոխվարչապետը, որ այդ աշխատանքները իրականացրել ենք ճիշտ հունով:

Հյուրերը շնորհակալություն հայտնեցին Վեհափառ Հայրապետին ընդունելության համար՝ միաժամանակ նկատելով, որ իրենք շահագրգռված են Հայաստանի տնտեսական առաջընթացով:

Ողջունելով Եվրոպական բանկի ներկայացուցիչներին, Գաբեգին Ա Կաթողիկոսն ասաց, թե որքան էլ տարբեր ազգությունների պատկանեն մարդիկ, նրանք կարող են միասնական լինել նույն մտածումներով: Մենք դժվար պահեր ենք ունեցել մեր պատմության մեջ, 1915 թվականը մեր պատմության մոռյալ տարին է: Այսօր հայ ժողովուրդը ձգտում է հաղթահարել ծագած տնտեսական և հասարակական դժվարությունները, և դրանում մեծապես կարևորվում է միջազգային հանրության աջակցությունը:

Մեր ժամանակը գաղափարների փոխանակման շրջան է: Հաջողություններ մաղթելով հյուրերին, Վեհափառ Հայրապետը նրանց նվիրեց Սուրբ Էջմիածինը պատկերող կրծքանշաններ:

ԱՄՆ-ՈՒՄ ԳՈՐԾՈՂ ԻՐԱՎԱԲԱՆՆԵՐԻ ԵՎ ԴԱՏԱԿԱՆ ԳՈՐԾԻՉՆԵՐԻ ՊԱՏՎԻՐԱԿՈՒԹՅՈՒՆԸ Ս. ԷԶՄԻԱԾՆՈՒՄ

Հուլիսի 16-ին Մայր Աթոռ Ս. Էջմիածնում Նորին Սուրբ Օծություն Ս. Տ. Գարեգին Ա Ամենայն Հայոց Կաթողիկոսն ընդունեց Ամերիկայի Միացյալ Նահանգներից ժամանած իրավաբանների և դատական գործիչների պատվիրակությանը: Ընդհանրապես հայտնելով Վեհափառ Հայրապետին ընդունելության համար, հյուրերը ներկայացրին իրենց առաքելության նպատակը, ինչպես նաև գործնական խնդիրները: Պատվիրակությունը Հայաստան է ժամանել «Փորձագիտական օգնություն Հայաստանի Հանրապետությանը» կազմակերպության հրավերով և ներկայացնում է Ամերիկայի Միացյալ Նահանգների Գերագույն և նահանգային դատական մարմինները: Հուլիսի 16—21-ը Երևանում տեղի կունենա համաժողով, որի մասնակիցները կքննարկեն իշխանությունների բաժանման, դատական մարմինների գործունեության, Սահմանադրության ընդունումից հետո ծագած նոր խնդիրներ:

Ողջունելով հյուրերին, Գարեգին Ա Կաթողիկոսը ներկայացրեց այն իրողությունները, որոնք բնութագրական են Հայաստանի ներկա կացությանը: Ամերիկացի դատավորների և դատախազների ժամանումը Հայաստան գնահատելով իբրև հայ-ամերիկյան երկխոսության խորացման նոր դրսևորում, Նորին Սրբությունը հաջողություններ մաղթեց համաժողովի մասնակիցներին՝ նշելով, որ նման միջոցառումները մեծապես կնպաստեն իրավական նորմերի, ինչպես և ընդհանրապես կյանքի նոր հայեցակետ ձևավորելու գործընթացին:

Վերջում Վեհափառ Հայրապետը «Պահպանիչ» կարգաց և օրհնեց ներկաներին:

ՖՐԱՆՍԻԱԿԱՆ ՀԱՆՐԱՊԵՏՈՒԹՅԱՆ ԱՇԽԱՏԱՆՔԻ ՓՈԽՆԱԽԱՐԱՐԸ ԱՅՑԵԼԵՑ ՎԵՀԱՓԱՌ ՀԱՅՐԱՊԵՏԻՆ

Հուլիսի 20-ին Մայր Աթոռ Ս. Էջմիածնում Նորին Սուրբ Օծություն Ս. Տ. Գարեգին Ա Ամենայն Հայոց Կաթողիկոսն ընդունեց Ֆրանսիայի Հանրապետության աշխատանքի փոխնախարար Կլոդ Պիտուսին, որին ողջնացում էին Հայաստանի Հանրապետության Աշխատանքի և սոցիալական ապահովության նախարարության ներկայացուցիչներ:

Ընդհանրապես հայտնելով Վեհափառ Հայրապետին ընդունելության համար, փոխնախարարը ներկայացրեց այն խնդիրները, որոնք նրա պատակ ունեն պարզել Հայաստանում գտնվելու ընթացքում: Ֆրանսիական բարեկամաբար է տրամադրված Հայաստանի նկատմամբ, ասաց պրն. Պիտուսը, և նրան ծանոթ են Հայաստանի ներկա հոգսերը:

Զրույցի ընթացքում շոշափվեցին տնտեսական վերընթացին, գործազրկությանը, գների կայունացմանը վերաբերող հարցեր:

Գարեգին Ա Կաթողիկոսը նկատեց, որ կան ընդհանուր մտահոգություններ, որոնք միացնում են երկու երկրներին: Դա էլ կարող է հիմք հանդիսանալ սերտ համագործակցության համար՝ աշխատանքի և մասնագիտական զբաղվածության բնագավառում: Նորին Սրբությունը կարևոր համարեց այնպիսի հասարակարգի կառուցումը, որի պայմաններում ժողովրդի ավանդական նկարագիրը զոհ չդառնա սպառողական հոգեբանությանը: Ժամանակակից աշխարհում ոչինչ դյուրությամբ ձեռք չի բերվում, և Եկեղեցին մեծ դեր ունի հարաբերությունների կարգավորման և ուղղորդման խնդրում:

Հանդիպման վերջում Վեհափառ Հայրապետը հաջողություններ մաղթեց պատվարժան հյուրին և նրան ուղեկցող անձանց:

ՀԱԼԵՊԻ ՆԱՀԱՆԳԱՊԵՏԸ ԱՅՑԵԼԵՑ ՎԵՀԱՓԱՌ ՀԱՅՐԱՊԵՏԻՆ

Հուլիսի 20-ին Մայր Աթոռ Ս. Էջմիածնում Նորին Սուրբ Օծություն Տ. Տ. Գարեգին Ա Ամենայն Հայոց Կաթողիկոսն ընդունեց Հալեպի նահանգապետ Մուհամադ Մուսթաֆա Միրոյին, որին ընկերակցում էին Հալեպում ՀՀ հյուպատոս Լևոն Սարգսյանը, արդյունաբերության և առևտրի կենտրոնական հանձնախմբի հայ անդամներ Կարապետ Չամիշյանը և Բյուզանդ Քելվանյանը, ինչպես նաև արտգործնախարարության ներկայացուցիչ Արշակ Փոլադյանը:

Հանդիպման ընթացքում խոսվեց Հայաստանի և Սիրիայի փոխհարաբերությունների ներկա հնարավորությունների մասին: Վեհափառ Հայրապետն ընդգծեց, որ ոչ մի հայ չի կարող մոռանալ, որ 1915-ի ցեղասպանությունից հետո, երբ մահը սպառնում էր ողջ արևմտահայությանը, վերապրող հայությունը նոր շունչ առավ հենց Սիրիայում: Ավանդույթի վերածված բարեկամական կապերի սերտացումը Նորին Սրբությունը համարեց կարևոր գործոն երկու ժողովուրդների հարաբերությունների հետագա զարգացման համար:

ՀՆԴԿԱՍՏԱՆԻ ԴԵՍՊԱՆԸ Ս. ԷԶՄԻԱԾՆՈՒՄ

Հուլիսի 20-ին Մայր Աթոռ Ս. Էջմիածնում Նորին Սուրբ Օծություն Տ. Տ. Գարեգին Ա Ամենայն Հայոց Կաթողիկոսն ընդունեց Հայաստանի Հանրապետությունում Հնդկաստանի արտակարգ և լիազոր դեսպան Ռաջենդրա Կումարին: Դեսպանին ուղեկցում էին Հնդկաստանում Հայաստանի Հանրապետության պատվավոր հյուպատոս Հովսեփ Մեֆերյանը, ՀՀ ԱԳՆ պաշտոնյաներ:

Հանդիպման ընթացքում շոշափվեցին հայ-հնդկական փոխհարաբերությունների, Եկեղեցու ներկա դերակատարության, ազգային կյանքի նոր իրողություններին առնչվող հարցեր: Վեհափառ Հայրապետն իր խոսքում ընդգծեց, որ երկու ժողովուրդների բարեկամությունը դարավոր պատմություն ունի: Հնդկահայ գաղութը դարեր շարունակ եղել է հայ հասարակական մտքի և մշակույթի զարգացման կենտրոններից մեկը: Հայ առաջին պարբերականը՝ «Ազդարարը», ինչպես նաև Հայաստանի առաջին Սահմանադրությունը ստեղծվեցին հենց հնդկահայ գաղութում: Հնդկաստանն

անհոռանալի երկիր է, ասաց Նորին Սրբությունը և պատմեց այդ երկիր կատարած իր այցելությունից ստացած տպավորությունների մասին:

Վերջում Վեհափառ Հայրապետը հաջողություններ մաղթեց դեսպանին՝ նրա գործունեության պատասխանատու ասպարեզում:

ՀՈՒՆԱՍՏԱՆԻ ԱԶԳԱՅԻՆ ՊԱՇՏՊԱՆՈՒԹՅԱՆ ՊԵՏԸ ԱՅՑԵԼԵՑ ՎԵՀԱՓԱՌ ՀԱՅՐԱՊԵՏԻՆ

Նորին Սուրբ Օծություն S. S. Գարեգին Ա Ամենայն Հայոց Կաթողիկոսը հուլիսի 20-ին Մայր Աթոռ Ս. Էջմիածնում ընդունեց Հունաստանի ազգային պաշտպանության գլխավոր շտաբի պետ, ծովակալ Քրեստոս Լիմբերիսին: Մեծահարգ հյուրը Մայր Աթոռ ժամանեց Հայաստանի Հանրապետության պաշտպանության նախարարի պաշտոնակատար Միքայել Հարությունյանի ուղեկցությամբ:

Հանդիպման ընթացքում շոշափվեցին հայ-հունական հարաբերությունների ներկա փուլին վերաբերող հարցեր:

Գարեգին Ա Կաթողիկոսը հաջողություններ մաղթեց ծովակալ Լիմբերիսին՝ միաժամանակ կարևորելով եվրոպական կառույցների մեջ Հայաստանի Հանրապետության ներգրավման անհրաժեշտությունը:

ՉԻՆԱՍՏԱՆԻ ԴԵՍՊԱՆԸ ՎԵՀԱՓԱՌ ՀԱՅՐԱՊԵՏԻ ՄՈՏ

Նորին Սուրբ Օծություն S. S. Գարեգին Ա Ամենայն Հայոց Կաթողիկոսը հուլիսի 26-ին Մայր Աթոռ Ս. Էջմիածնում ընդունեց Հայաստանում Չինաստանի ժողովրդական Հանրապետության արտակարգ և լիազոր դեսպան Յան Կեժունին: Ընդհանրապես հայտնելով Վեհափառ Հայրապետին ընդունելության համար, դեսպանը նշեց, որ ինքն առաջին անգամն է Հայաստանում և մեծ հետաքրքրությամբ է ծանոթանում հանրապետության ներքին կացությանը: Պրն. Կեժունը նկատեց նաև, որ հայ և չինացի ժողովուրդների բարեկամական հարաբերությունները գալիս են պատմության խորքերից: Նա տեղեկացրեց, որ Չինաստանում գործում են բազմաթիվ քրիստոնեական եկեղեցիներ, ուր հաճախում են երեք միլիոնից ավելի հավատացյալներ:

Ողջունելով մեծահարգ հյուրին Մայր Աթոռ Ս. Էջմիածնում, Գարեգին Ա Կաթողիկոսը հույս հայտնեց, որ բարեկամական հարաբերությունները Հայաստանի և Չինաստանի հանրապետությունների միջև այսուհետ առավել կամրապնդվեն: «Մեր կրոնքները տարբեր են, բայց Աստված մեկ է,— ասաց Նորին Սրբությունը,— և ով մարդկության կծառայե, Աստծուն ծառայած կլինի»:

Վեհափառ Հայրապետն իր գնահատանքը հայտնեց Չինաստանի Հանրապետության դիրքորոշման առթիվ, որն աջակից է Հայաստանի ժողովրդին: Մենք պետք է առաջ շարժվենք այս ճանապարհով, ասաց Նորին Սրբությունը:

Հանդիպման վերջում Ամենայն Հայոց Հայրապետը և Չինաստանի դեսպանը նվերներ փոխանակեցին: